

Ano ang Inyong Magagawa

1. **Alamin ang mga palatandaan.** Umorder ng aming mga *Indicator Card* (Kard ng mga Palatandaan) na magagaan at pang-pitakang mga kard sa 17 wika kung saan nakalista ang mga pangunahing senyales. Maaari ninyong ipamahagi ang mga kard na ito sa inyong lugar. Gumawa rin kami ng mga *Indicator Card* na angkop para sa mga unang tagatugon at tagapag-alaga ng kalusugan. Dagdagan ang kaalamansa: www.dhs.gov/bluecampaign
2. **I-ulat ang mgatip.** Kung kayo ay nakatagpo ng taong sa palagay ninyo ay maaaring isang biktima ng pangangalakal ng tao, o kung kayo ay isang tagapagpatupad ng batas at nais na makipag-ugnay sa HSI sa inyong lugar, makipag-ugnay sa **HSI Tipline:**

- Tumawag sa (866) 347-2423 (Walang bayad mula sa U.S. & Canada)
- Tumawag sa (802) 872-6199 (May bayad mula saan man sa mundo)
- O, mag-ulat ng tipsa online sa www.ice.gov/tips (saan man sa internet)

Nakaantabay ang mga ekspertong espesyalista na tagapagpatupad ng batas 24 oras sa isang araw, 7 araw sa isang linggo, upang tumanggap ng mga tip hinggil sa pangangalakal ng tao at upang mabilis na magpakalat ng mga *lead* sa nasa-tungkuling mga imbestigador ng pangangalakal ng tao sa buong bansa at sa buong mundo. Ang mga anonimong tip ay maaaring iulat sa online na form at sa pamamagitan ng walang bayad na telepono ng Tipline.

Tawagan ang National Human Trafficking Resource Center (NHTRC) sa 1-888-373-7888 upang:

- Humingi ng tulong at makipag-ugnay sa isang tagapagbigay-serbisyo sa inyong lugar;
- Magbigay ng impormasyon sa mga potensyal na aktibidad ng pangangalakal ng tao; o
- Dagdagan ang nalalaman sa pamamagitan ng paghiling ng pagsasanay, tulong teknikal, o mapagkukunan.

Ang NHTRC ay isang pambansa, walang-bayad na *hotline* na tumatanggap ng mga tawag mula kahit saan sa bansa, 24 na oras sa isang araw, 7 araw sa isang linggo, araw-araw bawat taon. Ang NHTRC ay hindi isang awtoridad sa pagpapatupad ng batas o sa imigrasyon at ito ay pinapatakbo ng isang organisasyong di-pang-gobyerno.

3. **Kilalanin ang Homeland Security Investigations (HSI) sa inyong lugar.** Tawagan ang *HSI Tipline* upang makapag-ugnayan sa *HSI Special Agents* at *Victim Assistance Specialists* na nakatuon sa pangangalakal ng tao sa inyong lugar at bumuo ng koneksyon sa kanila, kahit bago kayo makatagpo ng kasong maaaring imbestigahan nang sabay. Makipagtulungan upang bumuo ng mga *lead* at magbahagi ng impormasyon at intelihensiya.
4. **Kilalanin ang task force sa inyong lugar.** Ang mga *Human Trafficking Task Force* ay binubuo ng pederal, estado, lokal, *county*, at panliping tagapagpatupad ng batas at mga piskal, pati na rin mga NGO na nagbibigay ng serbisyo sa mga biktima. Alamin kung mayroon o walang *Human Trafficking Task Force* sa inyong lugar sa pamamagitan ng pagbisita sa www.bja.gov. Kung mayroon nga, magtatag ng kaugnayan dito at sumali sa kanilang pagpupursig.
5. **Turuan ang sarili at inyong mga katrabaho.** Kung kayo ay isang tagapagpatupad ng batas, ang aming libreng interactive, nakabatay sa kompyuter na pagsasanay ay gumagamit ng iba't ibang diskarte sa pagpapanayam at sa pag-iimbestiga na maaaring makatulong na maging mas epektibo kayo. Pumunta sa: fletc.gov/training/programs/human-trafficking-training-program. Kung kayo ay isang unang tagatugon o propesyonal na tagapangalaga ng kalusugan, kumuha ng aming pangkalahatang *online, interactive* na pagsasanay at panoorin ang aming unang tagatugon na *video*. Pumunta sa: www.dhs.gov/Bluecampaign
6. **Bisitahin ang website ng Blue Campaign.** Para sa dagdag pang pagsasanay, mga materyales ng *outreach*, materyales para sa pagtulong sa biktima, at impormasyon sa kung paano kayo maaaring sumali sa laban upang wakasan pangangalakal ng tao, pumunta sa: www.dhs.gov/Bluecampaign. "I-like" kami sa Facebook: www.facebook.com/bluecampaign. O, makipag-ugnay sa amin sa BlueCampaign@hq.dhs.gov.

PAGKILALA NG MGA BIKTIMA

Pagpapatupad ng Batas, Unang Tagatugon, at Propesyonal na Tagapag-alaga ng Kalusugan

ANO ANG INYONG MAGAGAWA?

Pagkilala ng mga biktima at pagsuplong ng mga pinaghihinalaang kaso ng pangangalakal ng tao

ANO ANG INYONG MAGAGAWA?

Pagkilala ng mga biktima at pagsuplong ng mga pinaghihinalang kaso ng pangangalakal ng tao

Ang mga Biktima ay Madaling Makita

Maaari kayong makatagpo ng isang potensyal na biktima ng pangangalakal ng tao habang ginagampanan ang inyong mga tungkulin. Nasa ating mga komunidad ang mga biktima ng pangangalakal ng tao. Ang tagapagpatupad ng batas ay maaaring makatagpo ng mga biktima sa pagtugon sa gulong pantahanan; kapag tumutugon sa mga insidente sa *massage parlor*; *bar*; at *strip club* o kahit na sa mga regular na paghinto ng trapiko. Maaaring mapansin ng mga unang tagatugon at propesyonal na tagapag-alaga ng kalusugan ang mga palatandaan habang tumutugon sa emerhensiya o gumagamot ng mga pasyente sa ospital o klinika ng doktor. Maaaring makatagpo ang mga inspektor ng pangkalusugan at pangkaligtasan ng mga biktima na nagtatrabaho sa restoran, pabrika, mga lugar ng konstruksyon, o mga sakahan.

Ang mga biktima ng pangangalakal ng tao ay maaaring maging anumang edad, lahi, kasarian o nasyonalidad, kabilang ang mga mamamayan ng U.S.

Maaaring sila ay mayroon o walang legal na katayuang pang-imigrasyon. Ang mga biktima ay matatagpuan sa kapwa lehitimo at di-lehitimong sector ng manggagawa; and ilan ay nabibighani sa huwad na mga pangako ng trabahong mataas ang kita o kahit pag-ibig. Kadalasan, sila ay napipilitang gumawa ng mabigat na trabahong pambahay, pangsakahan o pang-factory, o iba pang mga uri ng sapilitang paggawa, o pangkomersyal na pagtatalik (prostitusyon). Sa ilalim ng pederal na batas, ang bawat menor de edad na sapilitang pinagagawa ng pangkomersyal na pagtatalik ay isang biktima ng pangangalakal ng tao.

Paano Dumidiskarte ang mga Mangangalakal ng Tao

Nambibiktima ang mga mangangalakal ng mga taong kakaunti o walang masasandalan sa lipunan. Humahanap ang mga ito ng mga taong may kahinaan dahil sa iba't-ibang kadahilanan, kabilang ang kahirapang pinansiyal, karahasan sa tahanan, natural na kalamidad, o pampulitikang kawalang-tatag. Gumagamit ang mga mangangalakal ng iba't-ibang mga diskarte upang mabitag ang mga biktima, kabilang ang karahasan o pagbabanta, pati na rin ang sikolohikal na pagpipigil. Ang trauma ay maaaring napakatindi kung kaya marami ang hindi tumatarato sa sarili bilang biktima o kaya'y humingi ng tulong, kahit sa labis na pampublikong kapaligiran.

Mga Palatandaan ng Pangangalakal ng Tao

Ang pagkilala ng pangunahing mga senyales ay maaaring makapagligtas ng buhay. Ito ang unang hakbang sa pagkilala ng mga biktima. Hindi lahat ng mga senyales na nakalista sa ibaba ay naroroon sa bawat sitwasyon ng pangangalakal ng tao. Ang pagkakaroon o kawalan ng anumang mga senyales ay hindi kinakailangang katibayan ng pangangalakal ng tao

Kung kayo ay tagapagpatupad ng batas, mangyaring makipag-ugnay sa *Homeland Security Investigations' (HSI) field office* o *Human Trafficking Task Force* sa inyong lugar upang makipagtulungan sa isang pagsisiyasat, o mag-ulat ng tip. Ang HSI ay responsable para sa pagsisiyasat ng pangangalakal ng tao at sa pagdadakip ng mga nangangalakal. Maaaring may isang tukoy na protokol ng organisasyon na dapat ninyong sundin upang abisuhan ang inyong superbisor at makipag-ugnayan sa tamang mga lokal na awtoridad. Kung kayo ay isang unang tagatugon, mangyaring mag-ulat ng tip. Ang inyong kaligtasan pati na rin ang kaligtasan ng biktima ay napakahalaga. **Maliban kung kayo ay tagapagpatupad ng batas, huwag kailanman tangkaing harapin nang direkta ang pinaghihinalang nangangalakal o alertuhan ang biktima tugkol sa inyong mga hinala .**

Mga Senyales sa Trabaho o Serbisyo

- Ang trabahador ba ay inupahan para sa isang dahilan at sapilitang pinapagawa ng ibang klaseng trabaho?
- Ang sahod ba ng manggagawa ay binabawasan upang bayaran ang mga diumano'y utang?
- Ang indibidwal ba ay sapilitang pinagawa ng mga gawaing sekswal? Ang indibidwal ba ay isang menor de edad na nasasangkot sa pangkomersyal na pagtatalik?
- Nagtatrabaho ba ang indibidwal nang napakahaba at/o mga di-pangkaraniwang oras?
- Hindi ba naaangkop ang kasuotan ng indibidwal para sa sitwasyon o trabahong kanilang ginagawa?

Mga Senyales ng Pagkontrol

- Nasa paghahawak ba ng indibidwal ang kanyang mga dokumentong pagkakakilanlan at paglalakbay; kung hindi, sino ang may kontrol ng mga dokumento?
- Tila ba tinuturuan ang indibidwal kung ano ang sasabihin? May kasama ba siyang taong tila kumokontrol sa sitwasyon?
- Napagbantahan ba ng pinsala ang indibidwal o kanilang pamilya?
- Matakutin, mahiyain o sunud-sunuran ba ang indibidwal?
- Napagbantaaan ba ng deportasyon o aksyon hinggil sa pagpatupad ng batas ang indibidwal?
- Nalilito, natatakot o nagpapakita ba ang indibidwal ng mga senyales ng pangkaisipan o pisikal na pang-aabuso?
- Malaya bang makipag-ugnay sa mga kaibigan o pamilya ang indibidwal?
- Malaya bang makihalubilo o dumalo sa mga serbisyong pangrelihiyon ang indibidwal?

Mga Senyales sa Sitwasyon ng Buhay

- Kulang ba ng personal na mga ari-arian at tila hindi matatag ang sitwasyon ng indibidwal?
- Mayroon bang kalayaan sa pagkilos ang indibidwal? Malaya bang nakalalabas ang indibidwal mula sa kanilang tirahan? Mayroon bang hindi makatwirang mga hakbang sa seguridad?
- Ang indibidwal ba ay pinagkaitan ng pagkain, tubig, tulog, pangangalagang medikal o iba pang mga pangangailangan sa buhay?

Mga Senyales sa Paglalakbay

- Alam ba ng indibidwal ang kanyang pangwakas na destinasyon? O kaya kung paano sila makararating doon?
- Alam ba ng indibidwal kung sino ang sasalubong sa kanya sa pangwakas na destinasyong iyon?
- Mayroon bang batang naglalakbay kasama ang isang taong hindi mukhang tunay niyang magulang o tagapag-alaga?

Mga Senyales na Medikal

- Ang indibidwal ba ay may mga peklat, paso, pinsala sa katawan, o impeksyon?
- Ang indibidwal ba ay hinahadlangan o nililimita sa pagbibigay ng kanyang kasaysayang medikal?
- Ay indibidwal ba ay may kahirapan sa pag-ihi, sakit sa puson, pagbubuntis, o trauma sa puwit?
- Nakararanas ba ang indibidwal ng anumang talamak na sakit sa likod, pagdinig, o problema sa puso, o sa panghinga?
- May kahinaan ba sa kanyang paningin o problema sa mata ng indibidwal?
- Mukha bang malnourished ang indibidwal o may malubhang problema sa ngipin?